



**BOKAMOSO
SOLAR**

Q1 LEKWALODIKGANG

2024



GO MAATLAFATSA BATHUTI BA BARUTWANA: GO ROTLOETSA NTŠHWAFATSO LE KGOLO




Go rotloetsa boitekanelo jwa tlhologanyo le tlhabololo ya botho ya bathusi ba go buisa ba Lenaneo la Rona la go lthuta go Buisa le go Kwala la Sekolo se se Potlana, re ne ra ba naya mafelo a beke a go ikhutsa le go itsosolosa kwa polaseng ya Moreson kwa Reivilo.

Mafelobeke ano a ne a tletse ka ditiro tse di diretsweng go rotloetsa go ithokomela, go nna o ntshitse matlho dinameng, le go gola ga motho.

“Re tlhologanya ka botlalo gore boitekanelo jwa bathusi ba rona ba go buisa bo botlhokwa thata mo katlegong ya bone le mo go nneng le matswela. Ke ka moo re ikemiseditseng go ba ema nokeng e seng fela mo kgolong ya bone ya seporofeshe nale mme gape le mo kgolong ya bone ya botho.” -Lerato Kgwele, Moithutelatirong wa Ditiro tsa Setšhaba wa Bokamoso Solar.

Ka go beeletsa mo boitekanelong jwa bone jwa tlhologanyo, Bokamoso Solar e ikaeletse go dira tikologo e e siameng ya tiro e e dirang gore bathusi ba kgone go atlega. Tirelo eno e ne ya dira gore bathusi ba ikutlwe ba lapologetswe e bile ba iketleeditse go tswelela pele ba thusa barutwana ka tsela e e kgethegileng.

KGATO KA KGATO YA SED E DIRISITSWENG KA KOTARA



GO KETEKA BOTSWERERE MO THUTONG

Bokamoso Solar e sa tswa go tshwara moletlo wa ngwaga le ngwaga wa Mophato wa 12 o o neng o lebeletswe thata, o o neng o tlotlomatsa bathuti ba ba dirang sentle go tswa mo baaging ba Matlosana le Maquassi Hills.

Tiragalo eno ga e a keteka fela katlego ya motho ka bongwe mme gape e ne e le letshwao la peeletso ya botlho mo isagweng e e solofetsang thata ya bašwa ba ba mo mafelong ano. Baamogedi ba dikgele, go tswa kwa dikolong tse di farologaneng mo kgaolong eo, ba ne ba amogela di-laptop le ditifikeiti, go gatelela botlhokwa jwa thuto mo go fitlheleleng katlego.

Go nna teng ga badiredi ba Lefapha la Thuto, Tlhabololo ya Loago, JUWI Renewable Energies, le Foramo ya Go Nna le Seabe ga Baamegi go ne ga gatelela maiteko a go dirisana mmogo go godisa talente le go rotloetsa botswerere.

